

西北民俗文獻 第六卷

中國西北文獻叢書



中國西北文獻叢書·第四輯

西北民俗文獻

第六卷



一九九零年

十月

中國·蘭州

目 錄

渭源縣風土調查錄

民國 文廷美

三

西北叢編

民國 林 競

一二五

民國十五年冬

渭源風土

伯楨題

調查錄

今之調查錄於古無徵然周禮大司徒有知九州辨五地之責而西漢亦有郡國計書其用意正與今之調查同則謂自周以來有此制可也夫社會進化無已者也今與昔不同他日之今又與今日之今不同榛狁無論矣卽就近百年事言攻戰則刀矛進而爲鎗礮行旅則牛馬進而爲汽電荒誕之淮南鐵舟則已見於潛行艇矣理想之周饒飛車則已見於飛行機矣準是以推他日又安能測其究竟然則今日所調查者皆已往之陳迹耳庸足貴乎雖然知古不知今謂之骨董知今不知古謂之陸沉不有調查曷徵進化况調查與治術尤有密切之關係土地之所生風氣之所宜政教之輕重緩急出焉生齒繁則謀所以休養之征斂厚則謀所以輕減之民生遂而康樂

成民財阜而禮教興矣而調查實爲之樞紐所係顧不重哉然調查亦未易言也網羅雖富闢於去取其蔽在陋粉飾鋪張華而不實其蔽在誕私心自是聖漏滋多其蔽在妄以是爲之者雖多而裨實用者絕少非學有本原而又洞悉民生利弊者未足與語此也文君廷美宰渭源纔數月而風土調查錄裒然成帙因余戚高科長伯楨索序於余是余宰武山數往來是邑嘗與田夫野老相問訊迨權蘭山道尹邑故隸蘭山道民間疾苦亦嘗詢知一二公展是書讀之如舊地重遊躬詢疾苦信非洞悉渭民利弊者莫之能爲也輒書數語於簡端以誌世之讀是書者

中華民國十六年二月 甯鄉鍾彤濤序

渭源風土調查錄序

渭源古首陽地自秦以來爲首陽爲渭源爲砦爲堡地名治境代有不同然來往隴南者率以此爲要道故地雖磽确山盡童蒙自秦以來皆設縣治者實以其扼隴南之咽喉爲狄河之屏蔽也往讀狄道雍氏洮陽古今錄及本邑先賢張文泰五竹遺藁於其山川風土心實嚮之民國乙丑秋隨

督辦劉公節鉞入甘本年夏間拜權知縣事之命不禁色然心喜蓋非喜貢禹之彈冠實喜於此行得以溯夷齊之高蹈考烏鼠之異跡也不意就任於兵燹之餘閭閻遭殘燬之後招輯撫綏救恤不遑益以軍差絡繹兵站籌維晝夜軼掌幾無暇刻夙願在懷竟莫由達入

冬後軍差雖稍稀少而百政恢復又相踵而來尤不獲爲山川風土之考訂歉然於中實未嘗一日忘情也特每於接見紳耆之時卽以往跡周諮博訪耳食稍充旋奉

省長薛公命爲風土調查錄之輯

廷美

鼓脞庶政不獲握管遂以編輯

之任屬之幕友高君伯楨

廷美

每於政務得暇之時月落屋梁之際與

高君抵掌而談以向之所聞者娓娓告之隨筆於紙互相述證凡一越月而書成雖於本邑山原風土往哲先賢因歷次兵火湮沒及促於期限未獲盡數彰列不免有疏漏之誚但於經劃情形山川概要風俗厚薄政教敷陳犖犖大端尙能賅括且本邑自遭花門變亂後志乘同付劫灰以迄於今久未續纂此書輯成並擬付之排印俾補

邑乘之闕間以披覽或可爲采風者之一助廷美現奉檄量移礪伯去
渭在卽鴻雪之痕有賴此編則又何幸如之惟廷美從渭政者僅五閱
月忽忽來去曾不寧息凡所設施固不足以告無罪尙望後來居上
有以彌其闕而掩其失則區區之心尤南豐頂禮以蘄之也書成追
叙於此時中華民國十五年十二月十日

署理渭源縣調署礪伯縣知事文廷美總纂
渭源縣署民政科科長兼承審員高光壽編輯
渭源縣署總務科長兼徵解處主任李繼祖校對



渭源風土調查錄 目錄

一 總綱

- | | | | | |
|-------|-------|-------|-------|-------|
| 1 沿革 | 2 面積 | 3 區劃 | 4 地形 | 5 經緯 |
| 6 氣候 | 7 土司 | 8 建築 | 9 古蹟 | 10 名勝 |
| 11 人物 | 12 山川 | 13 湖泊 | 14 沙漠 | 15 宗教 |
| 16 風俗 | 17 習慣 | 18 民情 | 19 政績 | 20 物價 |
| 21 用度 | 22 工資 | 23 失業 | | |

二 內務

- | | | | | |
|------|------|------|------|-------|
| 1 人口 | 2 警察 | 3 自治 | 4 公益 | 5 救恤 |
| 6 選舉 | 7 衛生 | 8 保衛 | 9 水利 | 10 社倉 |

三 實業

1 農業 2 工業 3 商業 4 礦業 5 公司

6 鹽產 7 林業 8 畜牧 9 屯墾 10 特產

11 漁業

四 財政

1 糧賦 2 稅收 3 雜收 4 機關 5 歲出

6 歲入

五 教育

1 成績 2 學校 3 學童 4 機關 5 經費

6 私塾 7 留學

六 司法


1 法署 2 監獄 3 看守 4 經費

七 交通

1 道路 2 河流 3 橋梁 4 郵電 5 運輸

八 外交

1 僑民 2 僑產



甘肅涇源縣風土調查錄

一 總 綱

1 沿 革

本縣在秦時屬隴西郡漢昭帝始元六年因首陽山在縣境遂改置首陽縣三國晉魏因之後魏大統十七年又因渭水發源於縣之鳥鼠山改名渭源縣西魏兼置渭源郡尋因地小而廢隋仍爲渭源縣改屬隴西郡唐改屬渭州上元二年復改曰首陽仍於渭源故城分置渭源縣後廢首陽併入渭源廣德中全縣沒於吐蕃歷五代直至宋熙寧五年邊將王韶擊退蕃羌置渭源堡屬於熙州旋改通遠砦後又移通遠軍治於此金初仍置渭源堡屬臨洮府元至元十三年陞堡爲縣仍屬臨洮府元末大亂縣治再沒於土番明洪武初克復縣城仍名渭源遞降至今相沿未改

2 面 積

縣城在蘭州省城正南距離三百四十華里東至隴西縣界二十里西至狄道縣界六十